



Pou Piblikasyon Imedya: 30/08/2022

GOUVÈNÈ KATHY HOCHUL

GOUVÈNÈ HOCHUL ANONSE KOMISYON EKONOMIK REJYONAL FWONTYÈ NÒ A AK PRI DEVLOPMAN ENFRASTRIKTI 2022

5.8 milyon dola te apwouve pou 12 pwojè nan Konte Rejyon Fwontyè Nò yo, ap eksplwate plis pase 11 milyon dola anplis nan envestisman prive ak sipò

Gouvènè Kathy Hochul te anonse jodi a 12 pri sibvansyon federal ki bay yon total 5.8 milyon dola pou pwojè ekonomik ak devlopman kominotè nan ventuit konte nan Rejyon Fwontyè Nò New York. Ane sa, New York te soumèt epi verifye 55 aplikasyon final pou Komisyon Rejyonal Fwontyè Nò a (Northern Border Regional Commission, NBRC), ak demann finansman ki bay yon total plis pase 35 milyon dola.

"Pri yo anonse jodi a yo ap zouti ki enpòtan pou sipòte kwasans ekonomik lè yo konsantre sou amelyorasyon enfrastrikti ki enpòtan nan tout rejyon an, pandan y ap ede nou rekonstui yon New York ki pi solid", **Gouvènè Hochul te deklare.** "Administrasyon mwen an kontinye fokalize pou konstui pou lavni, epi envestisman sa yo souliyen enpòtans yon patenarya federal, eta ak lokal ki solid pou kontinye sipòte epi ranfòse ekonomi rejyon an epi fè Eta New York vanse pou pi devan."

Yo te evalye pwojè yo nan yon pwosesis konpetitif pou enpak ekonomik potansyèl yo, bezwen rejyonal pou pwojè a, nivo kowòdinasyon ak plan ki egziste ak aktivite rejyonal ki egziste yo, ak konsistans yo pa rapò ak priyore pwogram NBRC a. Pwojè sa yo ap eksplwate yon lòt 11.5 milyon dola finansman epi sipòte envestisman prive siplemantè atravè rejyon an.

Vil Schroon - Konte Essex

Yo te bay Vil Schroon 853,440 dola pou enfrastrikti dlo ize pou sipòte biznis ak rezidans lokal yo sou Main Street. Pwojè a ap genyen ladan I ranplasman yon tiyo egou an ajil pou sipòte biznis, djòb ki egziste yo, ak kwasans ekonomik alavni, epi I ap ede pwoteje resous natirèl yo.

Vil Fayette - Konte Seneca

Vil Fayette ap resevwa 1,000,000 dola pou enstale plis pase 18 kilomèt fòs egou prensipal pou apeprè 330 pasèl, k ap konekte distri vil la ak Sistèm Egou Sanitè Vilaj

Waterloo. Nouvo sistèm nan ap sèvi pwopriyete sou Lak Seneka yo epi diminye dechaj sistèm septik la nan lak la.

Vilaj Canton - Konte St. Lawrence

Yo te bay Vilaj Canton 1,000,000 dola pou konsewva epi konstui yon novo sous dlo segondè pou ogmante kapasite epi akomode ak kwasans ekonomik.

Adirondack Mountain Club - Konte Essex

Adirondack Mountain Club ap resevwa 303,960 dola pou renove ansyen Sant Ski Fon Kaskad (Cascade Cross Country Ski Center) pou fè pwopriyete 81 ekta a disponib pou publik la pou ski ak lòt aktivite anplennè, ansanm ak ogmante kapasite a lè li ajoute edikasyon anplennè klas mondal pandan tout ane a ak sant enfòmasyon pou vizitè ki aksesib konplètman.

Vilaj Nelliston - Konte Montgomery

Vilaj la ap resevwa 50,000 dola nan fon NBRC pou reyabilitasyon yon fòs egou ki egziste nan Vilaj la, k ap ranfòse sante anviwònmantal la epi fè pwomosyon pou devlopman alavni ak ogmantasyon djòb.

Lak Istorik Saranac - Konte Franklin

Yo te bay Saranac Istorik 350,000 dola pou ede nan reyabilitasyon Bilding istorik Trudeau a nan Lak Saranac pou kreye yon kanpis mize istorik ki aksesib nan anba lavil la k ap kreye djòb epi atire devlopman ekonomik.

IDA Konte St. Lawrence - Konte St. Lawrence

IDA ap resevwa 494,400 dola pou reyabilite pis endistriyèl ak pon ki sou Rivyè Oswegatchie a. Finansman an ap restore sèvis ray fyab, dirèk la nan Moulen Dunn Paper a nan Baraj Natirèl la epi pèmèt devlopman pasèl endistriyèl nan Vil Gouverneur.

Paul Smith's College - Konte Franklin

Yo te bay pwojè sa 675,452 dola pou amelyore sèvis dlo ize ak dlo potab pou Paul Smith's College lè yo ranplase liy egou sanitè ak tiyo distribisyon dlo yo. Amelyorasyon sa yo nesesè pou soutni sante ak byennèt kominate lekòl la ak pou sipòte enskripsyon ki ogmante ak revni, prezève ak kreye djòb, epi pou sèvi bezwen kominate North Country a.

Chanm Komès Plattsburgh-North Country - Konte Clinton

Yo te bay Chanm Ian 285,600 dola pou devlope yon pwogram fòmasyon konplè pou fòme 50 moun epi pou prepare yo pou antre nan mendèv la. Gwoup soudè fòme sa ap

ede sipòte alafwa bezwen mendèv ak bezwen mendèv alontèm fabrikan nou yo pandan rate mendèv sa. Fòmasyon an ap loje nan Enstiti pou Fabrikasyon Avanse Clinton Community College.

Griffiss Local Development Corporation - Konte Oneida

Yo te bay pwojè sa 353,360 dola pou devlope kapasite depo triyaj nan Pak Biznis ak Teknoloji (Griffiss Business & Technology Park) pou apeprè 16 wagon, k ap bay plis fleksibilite pou sèvi lokatè Pak ki egziste yo.

Konte Warren - Konte Warren

Konte Warren ap resevwa 160,000 dola pou devlope yon plan amelyorasyon pou Wout Bisiklèt Konte Warren ak Pis Kanal Feeder a ki sèvi kòm konekson an Santye Empire State la ak Lake George ansanm ak plizyè anba lavil ki nan mitan. Plan an ap bay Konte Warren ak patnè minisipal yo yon plan dakson pou fè envestisman nan rezo santye plizyè izaj la.

Vil Glenville - Konte Schenectady

Yo te bay Vil Glenville 273,788 dola pou elaji yon fòs dlo, k ap konplete yon vid idwolik pou reponn ak demann k ap ogmante pou kapasite dlo ki amelyore ak presyon dlo nan Pak Biznis ak Teknoloji Glenville (Glenville Business and Technology Park).

NBRC A se yon patenarya devlopman ekonomik ant gouvènman federal, gouvènman eta ak gouvènman lokal la. Komisyon an konpoze ak gouvènè New York, Vermont, New Hampshire ak Maine, ak yon ko-prezidan federal ke Prezidan Etazini an nonmen. Chak ane, Kongrè a afekte fon pou pwogram Komisyon an. Nan 2022, atravè rejon kat eta a, yo te soumèt 136 aplikasyon ki te mande plis pase 69 milyon dola, ak 332 milyon dola nan fon eksplwatasyon/kontrepatti.

Konte sa yo konpoze rejon Fwontyè Nò Eta New York la: Cayuga, Clinton, Essex, Franklin, Fulton, Genesee, Greene, Hamilton, Herkimer, Jefferson, Lewis, Livingston, Madison, Montgomery, Niagara, Oneida, Orleans, Oswego, Rensselaer, St. Lawrence, Saratoga, Schenectady, Seneca, Sullivan, Warren, Washington, Wayne, ak Yates. Gouvènman lokal yo ak òganizasyon ki pa gen bi fè pwofi nan Konte NBRC New York yo kalifye pou aplike pou sibvansyon konpetitif sa yo.

Depatman Deta a (Department of State, DOS) travay ak NBRC ak òganizasyon planifikasyon reyon yo pou solisite aplikasyon pou pwojè. Pou kalifye pou konsiderasyon sibvansyon, pwojè yo dwe tonbe nan youn nan kategori sa yo:

1. Enfrastrikti transpò;
2. Enfrastrikti piblik debaz;
3. Enfrastrikti telekomunikasyon;

4. Edikasyon ki gen rapò ak travay, antreprenarya, teknoloji ak devlopman biznis;
5. Swen sante debaz ak lòt sèvis publik pou ede zòn ki gen difikilte eknomik yo;
6. Konsèvasyon resous, touris, Iwazi ak prezèvasyon espas ouvri pou devlopman ekonomik; epi
7. Devlopman sous enèji renouvlab ak altènativ.

Aplikasyon yo kalifye pou jwenn finansman jiska 1,000,000 dola pou pwojè enfrastrikti ak 350,000 dola pou lòt pwojè yo. Sibvansyon NBRC yo bay nan konte ki gen difikilte yo egzije pou gen yon kontrepati lokal 20 poustan, pandan ke kontrepati ki obligatwa nan konte tranzisyon yo se 50 poustan.

Sekretè Deta Eta New York la, Robert J. Rodriguez, te deklare, "Komisyon Rejyonal Fwontyè Nò a te etabli tèt li kòm yon patnè finansman ki enpòtan anpil pou kominate atravè rejon nò eta New York yo. Aplikasyon ane sa yo te bay yon lis pwojè konplè epi nou kontan anpil pou finanse lis pwojè enpòtan sa. Depatman Deta a ap kontinye travay ak patnè rejyonal nou yo ak gouvènman lokal yo pou idantifye nouvo opòtinite pou ranfòse kominate nou yo epi mwen vle remèsyé delegasyon Kongrè a pou sipò kontini yo pou pwogram sa."

Senatè Chuck Schumer te deklare, "Soti nan Plattsburgh rive Canton ak pi lwen, mwen fyè pou ede livre envestisman federal 5.8 milyon dola sa k ap kreye djòb atravè Komisyon Rejyonal Fwontyè Nò a, pi gwo envestisman nan New York pa NBRC a. Finansman sa ap modènize enfrastrikti North Country a, fòme travayè yo pou karyè ki gen demann, ogmante touris, epi ede respire nouvo lavi nan lari prensipal nou yo pou akselere revitalizasyon ekonomik Rejon Nò New York la. Relans nan envestisman pou pwojè North Country ak Rejon Nò New York yo atravè NBRC a se yon rezulta direk finansman ki ogmante ke mwen te goumen pou li nan bidjè anyèl la, epi gen plis envestisman ki nan wout toujou ak vag finansman siplemantè pou NBRC a ke mwen te mete nan Lwa sou Enfrastrikti Bipati ak Djòb la. Sipò federal sa se pou sa mwen te goumen tou pou reotorize epi devlope NBRC a pou livre plis resous federal pou abòde kèk nan defi ki pi presan North Country ak Rejon Nò NY yo soti nan kreyasyon travay ak envestisman nan ti biznis rive nan swen sante ak entènèt wo debi pou rejon an ka genyen sa li bezwen pou pwospere."

Prezidan Chanp Komès North Country a, Garry Douglas te deklare, "Kwasans kontini gwoup fabrikan ekipman transpò rejon an se yon pati ki bay antouyas nan emèjans eta a nan transpò pwòp mond lan, men sa mande nouvo konpetans ak konpetans ki amelyore pou sezi sou opòtinite ki ofri yo. Finansman sa ap abòde bezwen krisyal pou konpetans soudi ki espesyalize pou Alstom plizyè lòt fabrikan North Country, k ap travay nan patenarya ak Enstiti pou Fabrikasyon Avanse a nan Clinton Community College. Gouvènè Hochul konprann gwoup transpò ekolojik ke nou te kreye a, epi nou remèsyé li pou sipò li pou finansman sa ki soti nan Komisyon Rejyonal Fwontyè Nò a.

Biwo li ak anplwaye nan Depatman Deta New York la te itil anpil pandan pwosesis la. Annavan pou pi devan!"

Prezidan Konte Franklin, Don Dabiew te deklare, "Envestisman nan kreyasyobn kapis yon mize ansanm ak prezèvasyon moniman istorik tankou Imèb Trudeau a ap asire ke eritaj ak istwa rich Lak Saranak la prezève pou jenerasyon k ap vini yo. Sipò sa esansyèl pou pwosperite ekonomik kontini rejyon an epi nou remèsye Gouvènè Hochul ak Komisyen Rejyonal Fwontyè Nò a dèské yo envesti nan rezidan nou yo ak pwosperite jeneral kominote nou an."

PDG Ajans Developman Endistriyèl Konte St. Lawrence, Patrick Kelly te dejkare, "Lè nou envesti nan branchman ray ki bay aksè nan Dunn Paper a, sa ap amelyore panorama ekonomik lan ak pèspektiv travay pou kominote a. Nou remèsye Gouvènè Hochul, Komisyen Rejyonal Fwontyè Nò a, ak eta nou an ak ajans federal ak reprezantan yo dèské yo bay pwojè enfrastrikti rejyonal yo priyorite tankou sa ki gen potansyèl pou fè pwomosyon kwasans epi ogmante konpetitivite rejyon sa nan eta a."

Manadjè Konte Seneca, Mitch Rowe, te deklare, "Konte Seneca rekonesan a tout patnè nou yo pou fè pwojè enpòtan sa avanse. Lak nou yo fè pati byen ki pi enpòtan yo epi yo vle di anpil pou sektè touris k ap grandi a."

Sipèvizè Vil Warrensburg ak Prezidan Konsèy Sipèvizè Konte Warren, Kevin Geraghty te deklare, "Konte Warren rekonesan anpil pou finansman sa ki soti nan Komisyen Rejyonal Fwontyè Nò a, k ap ede konekte kominote Lake George, Glens Falls ak Hudson Falls ak Empire State la atravè Inisyativ Modènizasyon ak Lyezon Santye plizyè izaj la. Finansman an ap bay sipò pou ekonomi rejyonal la lè li modènize enfrastrikti touris la epi ogmante opòtinite pou rezidan ak vizitè nou yo."

Sipèvizè Vil Schroon Meg Wood, te deklare, "Pandan plis pase yon syèk, rezidan Vil Schroon yo te travay pou prezève kalite dlo Lak Schroon lan ak basen vèsan li a. Nou te fè sa nou kapab pou konsève sistèm dlo ize ki gen 50 lane a ajou epi planifye pou bezwen lavni yo. Sibvansyon nou te resevwa nan Eta NY ak NBRC a ap yon gwo èd pou mete yon pòsyon nan enfrastrikti egou Ri Prensipal nou an nan konfòmite ak règ jodi a yo. Sibvansyon an ap soulaje ogmantasyon ki pwojte pou chaj depas ke rezidan ak biznis anba lavil nou yo deja ap sibi. Vil nou an pwolonje remèsiman li bay Gouvènè Hochul ak NBRC."

Sipèvizè Vil Fayette, Jeffrey Trout te deklare, "Envestisman sa ap asire sante Lak Seneca, favorize kreyasyon djòb, epi ranfòse kalite lavi nan Fayette ak lès Finger Lakes. Angajman sa esansyèl pa sèlman pou ekspansyon agwotouris aktyèl nou an men tou pou pwojè ki planifye nan Lak Seneca yo rive pote fui. Mwen rekonesan pou previzyon Konsèy Vil Fayette la nan bay enfrastrikti a priyorite, a Konsèy Sipèvizè Konte Seneca a pou lidèchip li nan pwoteje lak nou yo, a Gouvènè Hochul pou angajman li nan devlopman ekonomik ak vizyon anviwònmantal, a Senatè Helming ak Manm Asanble Gallahan pou angajman yo nan rejyon an, epi espesyalman a Komisyen

Rejyonal Fwontyè Nò a pou apwoch estratejik yo pou sipòte devlopman kominotè nan rejyon an."

Sipèvizè Vil Glenville Christopher A. Koetzle te deklare, "Sa se yon sibvansyon ki empòtan k ap ede vil la konsève epi ajoute plis biznis nan vil nou an epi ede ajoute plis travay. Pak Biznids ak Teknoloji Glenville la se yon byen empòtan pou vil la ak rejyon an epi sibvansyon sa ap ede eliminte pwoblèm presyon dlo la, modènize enfrastrikti esansyèl la epi fè pwomosyyon devlopman ekonomik. Sa se bon nouvèl pou fabrikan nan pak la ki se yon pati empòtan nan motè ekonomik nou an ak pou vil la an jeneral,"

Majistra Vilaj Canton, Michael Dalton, te deklare, "Sibcansyon jenere sa pou Vilaj Canton ap ede modènize enfrastrikti dlo lè li ede konstui yon sous dlo segondè pou akomode kwasans ekonomik nan Vilaj la. Nou remèsyé Gouvènè Hochul ak Komisyón Rejyonal Fwontyè Nò a dèske li asire ke Vilaj Canton gen resous ki nesèsè pou modènize enfrastrikti li yo ki vital pou rezidan nou yo ak kwasans alavni vilaj nou an."

Komisyón Rejyonal Fwontyè Nò New York la administre nan Divizyon Sèvis Gouvènman Lokal DOS la. Pou plis enfòmasyon sou pwogram Divizyon Sèvis Gouvènman Lokal, Depatman Deta a administre, ale sou <https://www.dos.ny.gov/lq/>. Swiv DOS sou Twitter @NYSDOS oswa Facebook nan <https://www.facebook.com/NewYorkDepartmentOfState/>.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418